

HAMASEIGARREN ORDENANTZA

ORDENANTZA HONEK ARAUTZEN DITU, UDAL JABARI PUBLIKOAREN ERABILERA PRIBATIBO EDO PROBETXU BEREZIAGATIK DAUDEN TASAK.

I. XEDAPEN OROKORRAK

1. Artikulua.- Foru Arauean aurrikusitakoari jarraiki, hain zuzen, Bizkaiko Lurralde Historikoko Toki Ogasunak arautzeko dagoena, Udal honek, Eranskinean zehazten diren tasak ezarri eta galdatzen ditu, Udal Jabari Publikoaren erabilera pribatibo edo aprobetxamendu bereziagatik, Ordenantza honetan dauden arauen arabera, izan ere, eranskin hura ordenantza honen zati besterik ez baita.

2. Artikulua.- Ordenantza udal barruti osoan aplikatuko da.

II. ZERGAPEKO EGITATEA.

3. Artikulua.- Zergapeko egitatea dagoela ulertuko da, hain zuzen, udal jabari publikoaren erabilera pribatibo edo aprobetxamendu berezia dagoenean.

III. SUBJEKTU PASIBOA.

4. Artikulua.-

1.- Zerga honen subjektu pasiboak dira, zergadun gisa, Bizkaiko Lurralde Historikoko Zergari buruzko Foru Arau Orokorreko 34 artikuluan agertzen diren pertsona fisiko eta juridikoak eta entitateak, baldin eta tokiko jabari publikoa, bakoitzaren onura partikularrerako erabili edo aprobetxatu, edo horretaz gozatuko balute.

Espaloietatik barna ibilgailuak sartzeari buruzko erabilera pribatibo edo aprobetxamendu bereziagatik ezarritako tasei dagokien bezainbatean, sarrera horiek eraiki, zaindu, aldatu edo ezabatu egiten direla eta, ibilgailuen sarrera duten finka eta lokal horietako jabeak, zergadunen ordezkari, izango dira, eta jabe horiek, bere kasuan, kuotak onuradunen gain kargatu ahal izango dituzte.

3.- Herri Administrazioek, Autonomi Erkidegoek, eta Foru eta Toki Erakundeek ez dute tasarik ordaintzeko obligaziorik izango, udal jabari publikoaren erabilera pribatibo edo aprobetxamendu bereziagatik, baldin eta zuzenean ustiatzen dituzten, eta garraibideekin lotutako zerbitzu publikoak badira, edo hiritarren segurtasunarekin eta nazioaren defentsarekin zerikusia dutenak badira.

5. Artikulua.- Kontuan izanik nori ematen zaion lizentzia, hori jasotzen duenak ordaindu beharko ditu tasak, edo horrek ezean, aprobetxamenduaren onura izaten duenak.

IV.- SALBUESPENAK, MURRIZKETAK ETA HOBARIAK.

6. Artikulua.- Salbuespenak eta beste onura fiskalak, Foru Arauetan ezarriakoaren menpe, egongo dira.

V.- ZERGA OINARRIA.

7. Artikulua.- Tasaren zerga-oinarria, jabari publikoaren erabilera pribatiboa edo aprobetxamendu berezia gauzatzen den bakoitzean, sortuko da, hain zuzen, Eranskinean agertzen diren terminoen arabera.

VI.- KUOTA.

8. Artikulua.-

1.- Zergaren kuota, Eranskinean ezarrita dagoenaren arabera, tarifa baten aplikaziotik eratorritako kopurua, edo horretarako ezarritako kopuru zehatz bat izango da, edo bi prozedurak batera aplikatuztik ondorioztatzen den kopurua.

2.- Erabilera pribatiboak edo aprobetxamendu bereziak, udal jabari publikoaren suntsiketa edo kaltetzea ere sortuko balu, onuradunak, ordaindu behar lukeen tasa ordaintzearen kalterik gabe, berreraikitze edo berritze gastuei dagokien kostu osoa itzultzeko obligazioa izango du, eta zenbatekoa aurretiaz jartzeko obligazioa ere izango du.

Kalteak konponezinak balira, Udala indemnizatu egin beharko da hondatutako ondasunen balio bereko zenbatekoan edo kaltetutakoen narriadurak duen zenbatekoan.

Udalak ezingo ditu barkatu, ez osorik, ez zati batean, atal honetan adierazten diren indemnizazio eta itzulketak.

VII.- ZERGAREN SORTZAPENA ETA ZERGALDIA

9. Artikulua.-

1.- Udal jabari publikoaren erabilera pribatibo edo aprobetxamendu bereziari dagokion Tasa, zergapeko egitate berari dagokion bezainbatean, erabilera pribatiboa edo aprobetxamendu berezia hasten denean, sortuko da, eta aurretik, horren zenbateko osoaren edo zati baten gordailua eskatu ahal izango da, hain zuzen, edo jarduerari hasiera emango dion eskaria aurkeztean, edo espedienteari hasiera ematean, zeina ez den egingo edo tramitatuko dagokion ordainketa egin bitartean.

2.- Tasaren izaera materialak, horren aldizkako sortzapena, eskatzen duenean, hori urte bakoitzeko urtarilaren 1ean gertatuko da, eta zergaldiak urte naturala hartuko du barne, ez hala ere, erabilera pribatibo edo aprobetxamendu bereziaren hasiera edo amaiera kasuetan, zeren eta orduan, zergaldia inguruabar horretara egokituko baita, eta kuotari proportzionaltasuna aplikatuko zaioi, Eranskinean ezarritako terminoen arabera.

3.- Subjektu pasiboari atxiki ezin lezaiokeen arrazoiengatik, baldin eta jabari publikoaren erabilera edo aprobetxamenduari dagokion eskubidea ez balitz garatuko, horri dagokion zenbatekoa itzuli egin beharko da.

VIII. LIKIDAZIOA ETA ORDAINKETA.

10. Artikulua.- Udalak kontzeptu bakoitzagatik legokion likidazioa praktikatuko du, eta indarreango zerga bilketako arautegian ezarrita dagoen arabera kopurua sartuko da, salbuetsirik egonik, hala ere, Eranskinean barne sartutako arau partikularretan dioena. Edozelan ere, Udalak tasa horiek eska ditzake autolikidazio erregimenean.

IX.- TASEN KUDEAKETA

11. Artikulua.- Bizkaia Lurralde Hiztorikoko Zergari buruzko Foru Arauan eta hori garatzen duen arautegian aurrikusitakoa hartuko da kontuan, bai Ordenantza honetan araututako Tasen likidazio, bilketa eta ikuskapenerako, bai zerga-hausteei buruzko kalifikaziorako, eta kasu bakoitzean, dagozkion zehapenen zehaztapenerako.

X.- XEDAPEN IRAGANKORRA

Urriaren 8ko 9/1998 Foru Arauaren 3. Atalean, Xedapen Iragankor bakarrean, ezarritakoaren arabera, zeinak ekainaren 30eko 5/89 Foru Araua aldatzen zuen, Ordenantza honetan araututako tasak ez dira jakinarazpen indibiduala egiteko baldintzaren menpean egongo, Zergari buruzko Foru Arau Orokorreko 100. artikulua dion moduan, baldin eta aldizkako izaera badute, eta tasaren kuota bat baldin badator ordainketa egiteko obligazioa duenarekin eta prezio publikoaren zenbatekoarekin, hain zuzen, udal jabari publikoa okupatzearren, eta 1999ko abenduaren 31an indarrean daudenak badira.

Ondorio horietarako, errezibuaren ondoriozko aldizkako kobrantzen tasei dagokien zenbatekoa bat dator, aurretik indarrean egon diren prezio publikoekin; horri hala ere, Basauriko Udalak, ondorio horretarako, izaera orokorrarekin onetsi duen gaurkotze-kopurua gehitu behar zaio.

XI.- AMAIERAKO XEDAPENA

Ordenantza hau behin betiko onetsi da, eta egin zaizkion aldaketekin batera, 2008ko urtarrilaren 1ean indarrean sartuko da, eta indarrean egongo da, hori aldatu edo indargabetzea erabaki arte.

(Udalbatzaren erabakiz aldatua, 2008ko irailaren 25eko, 2011eko azaroaren 11eko 2012eko azaroaren 19eko eta 2013eko azaroaren 19eko osoko bilkuran.)

ERANSKINA

TARIFAK

Jabari publikoa okupatzeagatik dagozkion tasen tarifak, hurrengo aprobetxamendu moetari dagozkionak dira.

1) EPIGRAFEA: OBRA INSTALAZIOENGATIKO OKUPAZIOAK

1.- OBRAK INSTALATZEAGATIKO OKUPAZIOA	
1.- Obretako babes-hesiak (metro karratua edo zatikia eta hilabetea edo zatikia)	9,81
2.- Bide publikoa euskarri duten aldamio finkoak, horien azpian pasatzea eragozten duten euskarriak edo txarrantxak dituztenak (m ² edo zatikia eta hilabetea edo zatikia)	9,81
3.- Bide publikoa euskarri duten aldamioak, fatxada-lerroarekiko paraleloak diren ilarako euskarriak dituztenak, txarrantxarrik eta langetik gabekoak, 3 m-tik beherakoak, eta horien azpian pasatzea ahalbidetzen dutenak (m ² edo zatikia eta hilabetea edo zatikia)	7,55
4.- Hegalkin-aldamioaren gainean jarritako babes-markesinak edo erretiluak, horien azpian pasatzeko moduan instalatutakoak (m ² edo zatikia eta hilabetea edo zatikia)	4,99
5.- Aldamio esekiak (metro karratua edo zatikia eta hilabetea edo zatikia)	4,99
6.- Babes-hesitik kanpo jarritako eskorak edo astoak (unitatea eta hilabetea edo zatikia)	4,99
7.- Obra-hondakinen edukiontziak, baita obra-txabolak, salmenta-bulegoak, garabiak, karga-jasogailuak eta antzekoak bezalako instalazio eramangarriak ere (m ² edo zatikia eta hilabetea edo zatikia)	9,33
8.- Behin-behineko lantegiak eta/edo materialak pilatzeko erreserbak	9,33

TARIFA APLIKATZEKO ARAUAK

a) Epigrafe honetan aipatzen diren obrak bi hilabete baino gehiagoko epealdian geratuta egongo balira, jokabide hori zuritu gabe, tarifa honen aplikaziotik suertatzen diren kopuruak % 100aren gainkargua izango dute etenaldia irauten duen epean, eta lanak amaiatu ondoren, aprobetxamenduak jarraituko balu, kopuru horiek % 200eko gainkargua izango lukete.

2) EPIGRAFEA: ESPALOIETATIK BARNA IBILGAILUAK SARTZEA

2.- IBILGAILUAK ESPALOIETAN ZEHAR SARTZEA	
1.- 6 ibilgailu, gehienez, pasatzeagatiko urteko kuota	261,55
2.- 7 ibilgailu, gutxienez, eta 10, gehienez, pasatzeagatiko urteko kuota	415,12
3.- 11 ibilgailu, gutxienez, eta 25, gehienez, pasatzeagatiko urteko kuota	507,26
4.- 26 ibilgailu, gutxienez, eta 50, gehienez, pasatzeagatiko urteko kuota	599,52
5.- 51 ibilgailu, gutxienez, eta 100, gehienez, pasatzeagatiko urteko kuota	691,78

6.- 100 ibilgailu, gutxienez, pasatzeagatiko urteko kuota	753,20
7.- Industria eta/edo merkataritza lokaletara pasatzeagatiko urteko kuota	415,12

TARIFA APLIKATZEKO ARAUAK:

- a) Tasa, pasagune kopuruek eta horiek erabiltzen dituzten ibilgailuen kopuruek zehaztuko dute, eta horretan, aparkamendu-erreserbari dagokion tarifa barne sartzen da.
- b) Espaloietatik barna ibilgailuak sartzeari dagokion tasa, aurretiazko sei hilabetekoan sortuko da, eta sei hilabeteko kuotak murriztu ezineko izaera dauka, edozein izanik ere, okupazio aldia.

3) EPIGRAFEA: APARKAMENDU ERRESERBA LOKALERAKO SARBIDERIK GABE

3.- LOKALERAKO SARBIDERIK GABEKO APARKALEKU ERRESERBAK

1.- Taxi geltokien ibilgailu bakoitzeko urteko kuota	59,50
2.- Bus geltokien (bidaiarien garraioa) urteko kuota (metro lineala eta/edo zatikia)	28,37
3.- Aparkaleku iraunkorren erreserben urteko kuota (metro lineala eta/edo zatikia)	28,37
4.- Merkataritza ordutegiko aparkaleku erreserben urteko kuota (metro lineala eta/edo zatikia)	23,96

TARIFA APLIKATZEKO ARAUAK:

- a) Aparkamenduaren erreserba kasuan, tasa erreserbaren luzerak erabakiko du, taxisten kasuan izan ezik, izan ere horiek ibilgailuaren gaineko tasa ordainduko baitute.
- b) Aparkatzeko erreserbari dagokion tasa, aurretiazko sei hilabetekoetan sortuko da, eta sei hilabeteko kuotak murriztu ezineko izaera dauka, edozein izanik ere, okupazio aldia.

4) EPIGRAFEA: HORNIKETAKO ZERBITZUEN INSTALAZIOENGATIKO OKUPAZIOA

4.- HORNIDURA ZERBITZUEN INSTALAZIOENGATIKO OKUPAZIOA

1.- Laginketa eta zangak egitea (metro lineala eta/edo zatikia eta eguna)	6,27
2.- Kableak, tutuak, errailak, banaketa eta erregistro kaxak, eta antzeko elementuak (metro lineala eta/edo zatikia eta urtea eta/edo zatikia)	28,32
3.- Azpilurzoru publikoa tutuek, kableek eta gasa edo beste edozein hornidura eramateko elementu osagarriek etengabe okupatzea (metro lineala eta/edo zatikia eta urtea eta/edo zatikia)	6,23

5) EPIGRAFEA: AZALERAN, INSTALAZIOENGATIKO OKUPAZIOA

5.- LURRAZALEKO INSTALAZIOENGATIKO OKUPAZIOA	
1.- Salmenta automatikoko gailuak (metroa eta/edo zatikia eta urtea eta/edo zatikia)	56,67
2.- Mahaien eta aulkien multzoa (urtea edo zatikia)	32,47
2.1.- Gainerako instalazioak: mahaitxoak, zoladurak, loreontziak, eguzkitakoak edo antzekoak (metro karratua eta/edo zatikia eta urtea eta/edo zatikia).	9,43
3.- Kioskoak (metro karratua eta/edo zatikia eta urtea eta/edo zatikia)	32,46
4.- Kaleko industriak eta industria ibiltariak (metro karratua eta/edo zatikia eta eguna)	1,54
5.- Banku eta/edo finantza zerbitzuak emateko gailu automatikoak	450,00

TARIFEN APLIKAZIORAKO ARAUAK:

a) Interesatuak, likidazioa egin baino lehen, dagokion Lizentziari uko egin, edo horretan atzera egingo balu, eta egiaztatuko balu lizentzia ez dela erabilia izan, kuota, kasu bakoitzean izan daitekeenaren %50ekoa, izango da.

b) Herri-jaietako eta feriako postuak direnean, feriako txosnak jarriko diren esparruko lursailak esleitzeko enkanteko sistema erabiltzen bada, Udalak kasu bakoitzean erabaki ditzakeen oinarri eta baldintzen arabera egingo da aipatu enkante hori.

6) EPIGRAFEA: BESTE OKUPAZIO MOTAK	
6.- BESTELAKO OKUPAZIO MOTAK	
1.- Zehaztu gabeko zerbitzuak (m2 eta/edo zatikia eta eguna)	1,10
3.- Barraka azokak (metro karratua eta/edo zatikia eta eguna)	0,53
4.- Zirkoak (eguna)	73,71

7) EPIGRAFEA: UDAL AZOKARA DESTINATUTAKO JABARI PUBLIKOAREN ERABILERA PRIBATIBO EDO PROBETXU BEREZIA, HALA NOLA AZOKAKO SALTOKIENA, MERKATAL ZONALDEENA ETA GAINONTZEKO INSTALAZIO OSAGARRI ETA LAGUNTZAILEENA, BALDIN ETA ZERBITZUA ZEHARKA KUDEATUKO BALITZ.

1. ZEIN EREMUTAN APLIKATUKO DEN

Epigrafe honetan barne sarturik dauden prezio publikoak, Udal Azokaren zerbitzua zeharkako kudeaketa bidez egiten den kasuan bakarrik izango da aplikagarri, eta hori emakida administratibo bidez izango da.

2. EMAKIDADUNAK ORDAINDU BEHAR DUEN TASA

A) a) Udal Azokaren zerbitzua emakidan esleituko zaion pertsona edo entitateak Udalari ordaindu beharko dio, urteko prezio publikoaren kontzeptupean, **2.214,29 €** euro solairuko, edo emakidadunak, dagokion lehiaketan, eskaini dezaken kopuru altuagoa, kopuru hori bestalde ekitaldi natural bakoitzeko lehen

hiruhilabeteen oso-osorik ordaindu beharko da, eta hori ezingo da inolaz ere murriztu.

B) Kopuru hori urtero berrikusia izango da, aurretik Emakidadunari audientzia eman eta gero, gehienez Kontsumoko Prezioen Indizeak jasanko duen aldaketaren portzentaia berean, hori Estatu osorako Instituto Nacional de Estadísticak finkatua izango da, eta "urteartekoa" bezala ezagutua, aurreko urteko ekainetik dagokion ekitaldiko ekaina arte.

3. SALTOKIEN, MERKATAL ZONALDEEN EDO INSLAZIO OSAGARRI ETA LAGUNTZAILEEN ESLEIPENDUNEK ORDAINDU BEHAR DITUZTEN TASAK.

A) Saltoki, merkatal zonalde edo instalazio osagarri eta laguntzaileen esleipendunek ordaindu behar dituzten tasen tarifak Udalak zehaztuko ditu, emakidaduna den erakundearen proposamenaren ostean.

B) Tarifen onespenerako edo horien berrikuspenerako prozedura hurrengo hau izango da:

b.1) Emakidadunak arrazoitutako proposamena egingo du, horrekin batera argibideak eskainiko ditu Txosten batean eta proposatutako kopuruak egokiak direla justifikatu beharko ditu postu-mota bakoitzerako, horretarako azken ekitaldi itxiko Balantzea, Ustiapen Kontua eta Jatorri eta Aplikazioaren egoera eta ohiko ekitaldia istean egongo den egoeraren aurrikuspena erantsi beharko dizkio.

b.2) Kontuhartzaitzako txostena emakidadunak proposatutako tarifen onespenerari edo horren berrikuspenari buruz.

b.3) Ogasuneko Batzorde Informatiboaren Irizpena. Batzordeak, egoki baleritzo, ahalmen zabalak eta nahierakoak izango ditu Emakidadunari egoki leritzon datuak eta txostenak eskatzeko orduan, eta baita aipatu saltokien, merkatal zonaldeen edo instalazio osagarri eta laguntzaileen esleipendunei audientziako epe bat eskaintzeko ahalmena izango du.

b.4) Udalbatzaren Erabakia, horren bidez onetsiko edo berrikusiko dira egoki diren tarifak. Aipatu erabakia, behin-betirako onetsia izaten denetik, segititik izango da aplikagarri, ez baldin bada behintzat beste zerbait erabakitzen bertan, emakidadun entitateari jakinarazten zaionean, bestalde emakidadun entitate horrek obligazioa izango du, saltoki, merkataritzako zonalde edo instalazio osagarri eta laguntzaileen esleipendun bakoitzari, banan banan eta modu fedemailean, onetsi edo berrikusitako tarifen zenbatekoa, eta horiek aplikagarri izango diren data, jakinarazteko.

c) Tarifen zenbatekoak, Basauriko Udalaren Azoka eta horrekin zerikusia duten ihardueren gaineko Zerbitzu Publikoaren Erregimen-Erregelamenduaren 67. artikuluan ezarritakora, egokitu beharko du.